

Kalaallit Nunaanni partiit amerliartornerat qanoq killilersinnaaneripput pillugu apeqquteqaat allaavigalugu oqallinnissamik siunnersuut. (EM2019/31)

(Inatsisartunut ilaasortaq Henrik Fleischer, Siumut)

Akissuteqaat

(Naalackersuisut Siulittaasuat)

Inatsisartunut ilaasortap Henrik Fleischerip Siumumeersup Kalaallit Nunaanni partiit amerliartornerat qanoq killilersinnaaneripput pillugu siunnersuuteqarnera Naalackersuisut qujassuteqarfigerusuppaat.

Qinersisarneq pillugu inatsit atuuttoq 1996-imeersuuvoq. Inatsisillu atulerneraniit pingasoriarluni allannngortinneqarpoq. Allanguut kingulleq januaarip aallaqqaataat 1997 atulerpoq.

Ullumikkut aalajangersakkat atuuttut malillugit Inatsisartunut qinersisoqassatillugu, partiit qinersinissap siuliani ikinnerpaamik ataatsimik ilaasortannngortitsisimappat qinersinissallu suaarutigineqarnerani sulii ilaasortaataqarpat qineqqusaarsinnaatitaalluni.

Partiit inatsisartunut ilaasortaataqanngitsut Inatsisartunut qinersinermi peqataasinnaati-taapput qinersisartunit nalunaarutini katersinikkut. Partiit taamaattoq qinersineq kingusinnerpaamik sapaatit akunnerinik tallimanik sioqqullugu, qinersisartunik ikinnerpaamik Inatsisartunut qinersinermi kingullermi taasinerit atorsinnaatitaasut tamavimmik 1/31-iisa nalinginit amerlassuseqartunit. Atsiornerit qinigassannngortinnerlu Qinersinermut Ataatsimiititaliamut nalunaaruteqassaaq.

Inatsisartunut 2018-imi qinersinermi minnerpaamik atsiornerit minnerpaamik 945-t nalunaarutigineqarnissaat pisariaqarsimapput. Atassut, Nunatta Qitornai aamma Suleqatigiissitsisut atsiornerit 945-t sinnerlugit katersoreerlugit qinigassannngortippat, 2018-imilu inatsisartunut tamarmik sassarlutik.

Partiit Inatsisartunut qineqqusaarsinnaanerannik ajornarnerulersitsisoqassappat kiisalu partiit Inatsisartunut ilaasortaataqalernissaat ajornarnerulersinneqassappat Naalackersuisut tamanna tamat oqartussaaqataanerannut innarliinertut isigaat.

Naalackersuisut aalajangersakkat atuuttut naapertuulluinnarsoraat innutaasullu namminneerlutik qineqqusaartut partiiluunniit sorleq Inatsisartuni sinniisussamisut qinissanerlugu aalajangissavaat.

Tamanna tunngavigalugu Naalackersuisut qinersisarnermut inatsisartunut qineqqusaarsinnaatitaanermut inatsimmi killilersueqqittoqartariaqarsorinnngilaat.

Siunnersuutigineqartumut Inatsisartuni ilaasortat isumaat tusarnissaat Naalakkersuisut qilanaaraat.

Taamatut oqaaseqarlutik Naalakkersuisut oqallittoqarluarnissaanik kissaateqarput.